

**159** Nû tuo ez durch dîne geselleheit  
 unt lâz dir sîn mîn laster leit.  
 got hüete dîn – ich wil von dir varn –,  
 der mag uns bēde wol bewarn.«  
 5 Ithern von Gaheviez  
 er jâmerliche ligen hiez.  
 der was doch tôt sô minneclîch,  
 lebende was er sâlden rîch.  
 wære ritterschaft sîn endes wer  
 10 zer tjost durch schilt mit eime sper,  
 wer klager denne die wunders nôt?  
 er starp von eime gabylôt.  
 Iwanet ûf in dô brach  
 der liehten bluomen zeime dach.  
 15 er stiez den gabylôtes stil<sup>K</sup>  
 zuo zim; nâch der marter zil  
 der knappe kiusche unt stolz  
 dructe in kriuzes wîs ein holz  
 durch des gabylôtes snîden.  
 20 dône wolder niht vermîden,  
 hin in die stat er sagete,  
 des manec wîp verzagete  
 unt des manec ritter weinde,  
 der klagende triwe erscheinde.  
 25 Dâ wart jâmers vil gedolt.  
 der tôte schône wart geholt.  
 diu küneginne reit ûz der stat;  
 daz heilictuom si vüeren bat.  
 ob dem kûnege von Kukumerlant,  
 30 den tôte Parzivales hant,

Nû *om.* \*G (ohne Z) \*T · dîn (*om.* G) g.; \*G  
 lâ dir sîn mîn l. (dir min laster wesen I) l.« \*G (nur GI)  
 Die Verse 159.3–4 fehlen \*G (ohne Z) · got pflege dîn \*T

l. liez. \*G \*T  
 doch wol (*om.* O L) sô \*G (ohne Z)

der gabylôte st. \*T  
 zuo im n. der m. zil. \*T  
 dr. in kriuze wîs (ein cruzwis I) \*G (ohne L) dr. kriuzewîs ([\*]: in crucewis V) \*T

er enwolt n. v., \*G (\*T)  
 in ([J\*]: Hin in V) die st. \*G \*T · erz s., \*T

des *om.* \*G

heiltuom \*T (O L)

\*D: D \*m: m \*G: G (ohne 159.3–4) I (ohne 159.3–4) O (ohne 159.3–4) L (ohne 159.3–4) Z \*T: T U V

1 Initiale D I O Z 5 Initiale L T 17 Initiale I 25 Majuskel D 27 Majuskel T

4 bēde] balde \*m 5 von] vnt D 6 hiez] liez \*m 8 lebende] lebendic \*m (Z) 10 zer tjost] ze jungest \*m 11 klaget] claget:v nachträglich korrigiert zu: chlagetiv D 12 von] mit \*m 16  
 †sus† im nâch der martel zil. \*m 18 kriuzes] kriuze \*m 23 des] *om.* \*m